

## **“Xizmatni ilovada to‘lang va pul sovrinini yutib oling” AKSIYASINI O‘TKAZISH QOIDALARI**

1. Ushbu qoidalar shartnomaning barcha muhim shartlarini o‘z ichiga oladi va O‘zbekiston Respublikasi fuqarolik kodeksining 367-moddasi va 369-moddasi ikkinchi qismiga (keyingi o‘rinlarda O‘zR FK deb yuritiladi) muvofiq ommaviy oferta hisoblanadi. Ushbu qoidalar ishtirok etish shartlarini, g‘olibni aniqlash va Sovrinni topshirish tartibini, shuningdek “ANOR BANK” AJ tomonidan tashkil etilgan “Xizmatni ilovada to‘lang va pul sovrinini yutib oling” aksiyasini tashkil etish va o‘tkazishning boshqa muhim shartlarini tavsiflaydi.

Ushbu qoidalar O‘zbekiston Respublikasi hududida “Anorbank” ilovasini ommalashtirishga qaratilgan rag‘batlantiruvchi tadbir bo‘lgan “Xizmatni ilovada to‘lang va pul sovrinini yutib oling” aksiyasini tashkil etish va o‘tkazish tartibini belgilaydi.

2. Aksiyaning tashkilotchisi “ANOR BANK” AJ (“ANORBANK” savdo belgisi egasi) hisoblanadi, yuridik manzili: Toshkent shahar, Mirzo Ulug‘bek tumani, Sayram 5-tor ko‘chasi, 4A uy; tel.: +998 55 503-00-00.

3. Aksiya lotereya yoki boshqa tavakkalchilikka asoslangan o‘yin emas va aksiya ishtirokchilari aksiyada ishtirok etish bilan bog‘liq mulkiy xatarlarga ega emaslar. Aksiyani o‘tkazish tartibi ishtirokchilar tomonidan haq to‘lash bilan bog‘liq emas va aksiyaning sovrin jang‘armasi faqat tashkilotchi hisobidan shakllantiriladi.

4. Aksiyaning sovrin jang‘armasi va unga tegishli bo‘lgan xarajatlar tashkilotchi hisobidan ajratiladi, Aksiya jang‘armasi 30 000 000 (o‘ttiz million) so‘mni tashkil etiladi. Sovrin jang‘armasi 30 (o‘ttiz) g‘oliblar o‘rtasida quyidagi qismlarda ajratiladi: Birinchi o‘rin - 1 (bitta) g‘olib - 5 000 000 (besh million) so‘m ; ikkinchi o‘rin – 3 (uchta) g‘olib – 3 000 000 (uch million) so‘mdan; uchinchi o‘rin – 5 (oltita) g‘olib – 1 000 000 (bir million) so‘mdan, to‘rtinchi o‘rin – 20 (yigirma) nafar g‘olib – 500 000 (besh yuz ming) so‘mdan.

### **5. Aksiya o‘tkazish muddati:**

2023-yil 20-noyabrdan 2023-yil 31-dekabrgacha.

5.1. 2024-yil 10-yanvar kuni Toshkent vaqti bilan soat 10:00 dan 23:00 gacha 7 (yetti) nafar aksiya g‘oliblari aniqlanadi.

5.2. Aksiya g‘oliblarini aniqlash yakunlari bo‘yicha pul sovrinini o‘tkazish muddati:

Aksiya g‘oliblari e‘lon qilingan kundan boshlab 90 (toqson) kalendar kunidan kechiktirmay, sovrin uchun g‘olibdan talab qilinadigan barcha ma‘lumotlarni bir vaqtning o‘zida tashkilotchi taqdim etadi, ushbu Qoidalarning 8-bandida ko‘rsatilgan bo‘lib.

Agar Aksiya G‘olibi ushbu Qoidalarning 8-bandida ko‘rsatilgan ma‘lumotlarni tashkilotchi taqdim etmasa, u g‘alaba qozonish huquqidan mahrum bo‘ladi.

### **6. Aksiyada ishtirok etish shartlari:**

Aksiya ishtirokchisi bo‘lishni istagan har bir kishi bir vaqtning o‘zida quyidagi shartlarni bajarishi kerak:

a) “Anorbank” ilovasining ro‘yxatdan o‘tgan foydalanuvchisi bo‘lishi kerak;

b) Aksiya o‘tkazilishi davrida ishtirokchi Anorbank ilovasida mobil aloqa yoki Internet uchun eng kami 100 000 (yuz ming) so‘m bo‘lgan to‘lovni yoki kommunal xizmatlar uchun eng kami 300 000 (uch yuz ming) so‘m bo‘lgan to‘lovni amalga oshirishi kerak. Ishtirokchilar ko‘rsatilgan xizmatlar uchun bir nechta to‘lovlarni amalga oshirish orqali minimal summani

to'plash huquqiga ega. Tranzaksiya miqdori qanchalik ko'p bo'lsa, g'alaba qozonish imkoniyati shunchalik yuqori bo'ladi

c) Anorbank ilovasida amalga oshirilgan har bir tranzaksiyaga ID raqam taqdim etiladi.

#### **7. Aksiyani o'tkazish va aksiya g'oliblarini aniqlash tartibi:**

Aksiya o'tkaziladigan butun muddat davomida g'oliblarning umumiy soni 30 (o'ttiz) nafarni tashkil etadi.

Aksiya g'olibini aniqlash uchun "Anorbank" ilovasidagi tranzaksiyalarga individual raqamlar beriladi (matnda keyingi o'rinlarda "ID" deb nomlanadi) va aksiya g'oliblarini aniqlash kunida "Random" elektron dasturiga (tasodifiy sonlarni tanlash generatoriga) tushiriladi (yuklanadi).

Sovrinni olish huquqiga ega bo'lgan aksiyaning g'olibi aksiya ishtirokchisi bo'lib, uning ID si "Random" dasturi tomonidan aksiyani o'tkazish va aksiya g'olibini aniqlash uchun quyidagi algoritm bilan tanlanadi.

Aksiya o'tkazish algoritmi va aksiya g'oliblarini aniqlash bosqichma-bosqich qadamlardan iborat jarayondir:

a) Aksiya g'oliblarini aniqlash uchun tashkilotchi mazkur Qoidalarning 6-bandida ko'rsatilgan aksiyada ishtirok etish uchun barcha shart-sharoitlarni bajargan va "Anorbank" ilovasida tranzaksiyalar ID lari ro'yxatini "Random" dasturiga tushiradi (yuklaydi);

b) Dastur tasodifiy tanlov orqali Tashkilotchining Instagram ijtimoiy tarmog'idagi akkauntida jonli efir vaqtida G'oliblar identifikatorini aniqlaydi. Aksiya o'yinining boshlovchisi jonli efir davomida, real vaqt rejimida, har bir turning Aksiya g'oliblarini e'lon qilgandan so'ng, "RANDOM.ORG" tasodifiy raqamlar generatori yordamida Aksiya g'olibi deb topilgan g'oliblar bilan bog'lanadi.

c) 1 (bir) Martadan ko'p tranzaksiya IDsi aniqlangan ishtirokchilar qaytadan G'olib deb to'pilmaydi va ularning sovrini «RANDOM.ORG» tasodifiy generator yordamida aniqlangan holda boshqa ishtirokchiga topshiriladi. Amalga oshirilgan tranzaksiyalar soni cheklanmagan, Aksiya o'tkazilish sanalarini inobatga olgan holda.

Aksiya davomida aksiya g'olibini aniqlash natijasini oldindan belgilash imkonini beruvchi tartib-tamoyillar va algoritmlar qo'llanilmaydi.

Aksiya davrida ID lar ro'yxatining hisoboti (tushirilishi) dastlabki ma'lumotlar hisoblanib, ularni yuqorida ko'rsatilgan algoritmgaga muvofiq ishlash jarayonida aksiyaning muayyan g'olibini aniqlash uchun faqat bitta yutuqli ID chiqarib beriladi.

Ushbu jarayon 30 (o'ttiz) marta bajariladi va bunda:

- random 30 nafar g'olibni aniqlab beradi

#### **8. Aksiya g'oliblariga sovrinni berish tartibi:**

Aksiya g'olibi servis Tashkilotchiga soliq to'lovchining identifikatsiya raqamini (STIR) har qanday qulay tarzda tashkilotchiga topshirishi kerak. Bunda g'olib Tashkilotchi tomonidan barcha soliqlar to'langanidan keyin sovrinni shaxsan oladi.

Sovrin G'olibga bank o'tkazmasi yo'li bilan ko'rsatilgan hujjatlarni taqdim etgandan so'ng va soliqlar to'langanidan keyin taqdim etiladi.

O'zbekiston Respublikasi qonunchiligiga, O'zR SK 377-modda 5-bandiga muvofiq so'vrin mukofotiga (JSHDS) soliq solinadi. Aksiya tartibiga ko'ra, tashkilotchi so'vrin uchun barcha xarajatlarni qoplaydi. Shu bilan birga, soliq uchun to'lovni amalga oshiradi.

Tashkilotchi o'zining anorbank.uz manzilidagi internet-saytida va web-ilovasida tegishli axborotni joylashtirish orqali istalgan vaqtda ushbu qoidalarga o'zgartirish va/yoki qo'shimchalar kiritish huquqini bir tomonlama so'zsiz tartibda o'zida saqlab qoladi.

9. Aksiyada ishtirok etish Aksiya ishtirokchisi tomonidan anorbank.uz da joylashtirilgan Qoidalarning to'liq va so'zsiz qabul qilinishini, va shuningdek, tashkilotchi ishtirokchi tomonidan

mobil ilovada ro'yxatdan o'tkazishda taqdim etilgan shaxsiy ma'lumotlarini ishlatilishiga roziligini anglatadi.

Tashkilotchi bilan turli aloqa vositalari, jumladan (cheklovlarsiz) pochta jo'natmalari, ishtirokchining elektron pochta manziliga (e-mail), mobil telefoniga (SMS-xabarlash orqali) tegishli axborotlarning, shu jumladan tashkilotchi tomonidan O'zbekiston Respublikasining amaldagi qonun hujjatlarida nazarda tutilgan majburiyatlarni bajarish maqsadida bevosita aloqalarni amalga oshirishi mumkin.

Aksiyada ishtirok etishi bilan ishtirokchi o'z xohish-irodasi bilan va o'z manfaatlari yo'lida harakat qilib, Tashkilotchiga (shaxsiy ma'lumotlarning maxfiyligini ta'minlash va ularni qayta ishlash uchun shaxsiy ma'lumotlarning xavfsizligini ta'minlash to'g'risidagi qonun hujjatlari talablariga rioya etilgan holda (ularni to'plash, yozish, tizimlashtirish, yig'ish, saqlash, tasdiqlash, aniqlashtirish (yangilash, o'zgartirish), foydalanish, tarqatish, taqdim etish, uzatish (shu jumladan O'zbekiston Respublikasi hududida), Tashkilotchi va uning kontragentlari tomonidan ishtirokchining shaxsiy ma'lumotlarini blokirovkalash va yo'q qilish, shu jumladan avtomatizatsiya vositalari va avtomatlashtirilgan ma'lumotlar bazasini boshqarish tizimlari, boshqa dasturiy vositalar, shuningdek, ishtirokchining shaxsiy ma'lumotlarini qo'lda, avtomatlashtirilgan va aralash usulda, ham "ANOR BANK" AJ ichki tarmog'i va uning kontragentlari, ham Internet tarmog'i orqali va ham usiz, qayta ishlash uchun o'z roziligini beradi.

Amaldagi qayta ishlash usullari, shu jumladan (cheklovlarsiz), ma'lumotlar bazasini kerakli mezonlarga ko'ra segmentatsiyalashni o'z ichiga oladi. Ushbu rozilik ishtirokchi tomonidan yuqorida ko'rsatilgan maqsadlarga erishish uchun zarur bo'lgan yoki ishtirokchining istalgan shaxsiy ma'lumotlariga, shu jumladan, lekin ular bilan cheklanmagan holda: familiyasi, ismi, otasining ismi; jinsi; tug'ilgan yili, oyi, sanasi (O'zR qonunchiligida, xususan, O'zbekiston Respublikasi soliq kodeksida nazarda tutilgan hollarda — shaxsni tasdiqlovchi hujjatning rekvizitlari (pasport), mobil telefon raqamlari, elektron pochta manzili va boshqa ma'lumotlarga nisbatan har qanday harakatni amalga oshirishga beriladi.

Ishtirokchining shaxsiy ma'lumotlarini ushbu qoidalarga muvofiq qayta ishlashga jalb etiladigan uchinchi shaxslarni tanlash huquqi "ANOR BANK" AJga ishtirokchi tomonidan taqdim etiladi va qo'shimcha kelishuvni talab qilmaydi.

Tashkilotchi tomonidan shaxsiy ma'lumotlarni ishlash O'zR amaldagi qonunchiligiga muvofiq amalga oshiriladi.

10. Aksiyada ishtirok etib, Aksiya g'olibi deb topilgan ishtirokchi Tashkilotchining anorbank.uz manzili bo'yicha saytida, shu jumladan bosma nashrlar, radio va televideniye dasturlari, shuningdek (cheklovlarsiz) Instagram, Youtube, Facebook kabi Internet-ommaviy axborot vositalari va axborotlarni ommaviy tarqatishning boshqa vositalarida o'z ismini, familiyasini, otasining ismini va tasvirlarini (rasmlarini), shuningdek, so'vrin bilan tushirilgan suratlarni joylashtirishga rozilik beradi.

11. Ushbu qoidalarni buzgan taqdirda, tashkilotchi aksiya ishtirokchisini aksiyada ishtirok etishdan so'zsiz chetlatishga haqli. Shu bilan birga, tashkilotchi tegishli ishtirokchiga nisbatan o'z harakatlariga izoh bermaslik huquqiga ega.

12. Aksiya ishtirokchisi o'zi haqida aniq bo'lmagan va/ yoki noto'g'ri ma'lumotlar ko'rsatganligi sababli yuzaga kelishi mumkin bo'lgan har qanday salbiy oqibatlar xavfini to'la hajmda zimmasiga oladi.

13. Ushbu rag'batlantiruvchi tadbirga muvofiq Aksiyani o'tkazish natijasi yakuniy hisoblanadi va sud tartibida e'tirozga uchramaydi.

14. Aksiya ishtirokchisi istalgan vaqtda Aksiya tashkilotchilariga murojaat qilib, Aksiyada ishtirok etishdan voz kechishga haqli.

15. Tashkilotchi Aksiya ishtirokchisi yoki uchinchi shaxsda ushbu aksiya o'tkazilishi munosabati bilan yuzaga kelishi mumkin bo'lgan birorta va hech qanday xarajatlarni qoplamaydi.

Tashkilotchi telekommunikatsiya va energetika tarmoqlarida uzilishlar, zararli dasturlarning ta'sirlari, shuningdek "ANOR BANK" AJ ning dasturiy va/yoki apparat majmuasidan ruxsatsiz foydalanish va/yoki ishdan chiqarishga qaratilgan uchinchi shaxslarning noinsoflik bilan qilgan xatti-harakatlari oqibatida majburiyatlarni bajarmaganlik yoki lozimlik darajasida bajarmaganlik uchun javobgar bo'lmaydi.

Aksiya Tashkilotchisi, agar biron sababga ko'ra, ushbu aksiya yoki uning biron bir qismi kompyuter viruslari, nuqsonlar, manipulyatsiya, ruxsatsiz aralashish, soxtalashtirish, texnik muammolar yoki tashkilotchi va/yoki "ANOR BANK" AJ tomonidan nazorat qilinmaydigan har qanday sababga ko'ra aksiyaning bajarilishiga, xavfsizligiga, halolligiga, yaxlitligiga putur yetkazadigan yoki ta'sir qiladigan bo'lsa, aksiya o'tkazilishini bir tomonlama bekor qilish yoki to'xtatib turish huquqiga ega.

16. Tashkilotchining xodimlari va ularning yaqin qarindoshlari Aksiyada qatnashishi mumkin emas.

17. Tashkilotchi anorbank.uz da tegishli ma'lumotni joylashtirish orqali istalgan vaqtda Ishtirokchini oldindan shaxsan ogohlantirmasdan, mazkur Qoidalarga o'zgartirish va/yoki qo'shimchalar kiritish, aksiya o'tkazilishini to'xtatish/to'xtatib turish/bekor qilish huquqini so'zsiz o'zida saqlab qoladi.

18. Agar Aksiya G'olibi 10 (kalendar) kun ichida Tashkilotchi bilan bog'lanmasa, uning mukofoti bekor qilinadi.